

易源奥义

保巴

文硕阁

wenshuoge.com

目录

关于我们	3
提要	5
进太子牋	6
易源奥义	7

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案易源奥义一卷周易原防八卷元保巴撰【案保巴旧本作保八今改正】保巴字普庵色目人居于洛阳其平生仕履别无可考是书前有进太子牋结衔称太中大夫前黄州路总管兼管内劝农事不知其终于何官也牋末不题年月黄虞稷千顷堂书目称旧有方回牟巘二序回巘皆宋末旧人则保巴当为元初人矣是书原分三种统名易体用本程子之說即卦体以阐卦用也朱彝尊经义考载易源奥义一卷存周易原防六卷存周易尚占三卷佚考陈继儒彙秘笈中有周易尚占三卷书名与卷数并符书前又有大德丁未保巴序人名亦合然序称为莹蟾子李清庵撰不云保巴自作其书乃用钱代蓍之法以六爻配十二时五行六亲六神合月建日辰以断吉凶亦非尚占之本义序文鄙陋尤不类读书人语蓋方技家 有是书与保巴佚书其名偶合明人喜作伪本遂撰保巴序文以影附之不知保巴說易并根柢宋儒阐发义理无一字涉京焦防纬之說其肯以此书当古占法哉今辨明其妄别存目于术数类中而保巴原书则仍以所存二种着录庶阙而真犹胜于全而伪焉乾隆四十六年闰五月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

进太子牋

皇帝圣防里太中大夫前黄州路总管兼管内劝农事臣保巴言伏以光奉诏书甫正贰储之位敬敷易道少裨熙缉之功天啓昌期【阙】治窃谓自龙图之画既泄而象数之学肇开至六十四卦以成书为百千万年之明義文孔子 先天之妙京费王弼广后世之传岂但求语下之筌蹄又当参胷中之关键凡蠡测管窺以探精义皆铢积寸累以用深功苟得其真敢私以秘臣保巴诚惶诚惧叩头叩头敬惟皇太子殿下英姿岐嶷茂德渊冲民望具瞻共仰重离之照政机多暇式昭干蛊之勤方恢邦家太平之宏基宜得帝王相传之要领用师诸古有益于今臣保巴幸际清时輒申丹悃不揆浅肤之素学冒干投进于青宫冀虎闱齿胄之间特加披阅在鹤禁延儒之顷更赐表章臣保巴无任瞻仰扑跃激切屏营之至谨奉牋以闻臣保巴诚惶诚惧叩头叩头谨言太中大夫前黄州路总管兼管内劝农事臣保巴上牋

易源奥义

先天图

天一地二天三地四天五地六天七地八天九地十中五见皇极观物之理变化感应脉络贯通皇极之数本末源流以天地陰阳刚柔之气必交合而后生物必进退而后运其初本于天中爲五阳地中爲六陰盖河图之数载于周易分陰分阳以爲天数二十有五地数三十合得五十有五而去阳中之五爲大衍之数五十去陰中之六爲大衍之用四十有九故前河图之陰阳防数计五十有五以其陰阳未分根干支未混淆之时所谓先天故位数自一而起今列位数于后

位

干一兑二

离三震四

巽五坎六

艮七坤八

数

甲乙丙丁戊

子丑寅卯辰巳此三即乾卦故干一

九八七六五四 二 一

午未申酉戌亥可谓天下之大本也已庚辛壬癸

右先天数者无极而太极先天数取纯一不杂之意以九数爲则故数起于一一即三三即九九即一故起于一而极于九爲老阳老阳数老可致神极神极必变故曰易易者变易不穷冒天下而言也可爲天地準所谓参天两地而倚数者一三五也考其端一三成四四成五成九校其实即张子所谓干称父坤称母予兹藐焉混然中处天地人三才无间其义虽殊其神气即一也所以成言乎一一复爲九效诸文王元而亨亨而利利而贞贞而复元法诸伏羲干三连也所谓三者岂非天下之大本乎无极而太极者乾坤之元也故先天譬爲根其位皇极以之

大槩谓一陰一阳之谓道干称父坤称母乾坤生六子然后人伦序所以君君臣臣父父子子

夫夫妇妇人道立今列中天位数如后

位

艮一兑二

坎三离四

震五巽六

艮七坤八

干九

数

甲三乙八

丙七丁二

戊五己十

庚九辛四

壬一癸六

右中天数者太极之运化也中天数取以奇数为阳耦数为阴据一二之数则为是故一生二即是画卦之象□此一奇一耦成三即地天泰也然中天八卦位数内惟艮居一七之数何也盖起于艮而止于艮说卦云艮东北之卦也万物之所成终而所成始也即元而亨亨而利利而贞贞而元故周子所谓中正仁义而主静立人极焉艮与静周起于静而止于静也所谓太极之运化者自元而亨也故以中天譬为干其位范围以之

大槩谓根干支末之理于五行内刚中有柔柔中有刚即阴中有阳阳中有阴地道立矣今列后天位数如后

位

坎一 坤二 震三 巽四 中五

干六 兑七 艮八 离九

数

子一 亥六 寅三 卯八

巳二 午七 酉四 申九

辰五 丑十 戌五 未十

右后天数者三极之妙用也后天数取一动一静互爲其根之理退乾坤却进坎离爲上下宗体以五行爲妙用五行中而又分刚柔使致充廓万物万物各得其宜故放之则弥满六合敛之退藏于密所谓三极之妙用者自亨而利贞也故以后天譬爲支其位大定以之

右自根而干自干而支三才五行具矣所谓纵横十五即此生生无穷之道也本乎天者亲上本乎地者亲下则各从其类故曰物有本末事有终始知所先后则近道矣

易源心法

乾坤爲父母卦有八体本卦上下二体反对上下二体互体二体互体反对二体共八体其六十四卦之中除有此乾坤坎离颐大过中孚小过八卦不能全备八体 乾坤二卦无反对无互体纯一不杂倒正不变 【已下六卦有互体无反对亦不能全八体】

【坎上坎下】互体 【震下艮上】 颐共四体颐五体重

【离下离上】互体 【巽下兑上】 大过共四体大过五体重

【震下艮上】 颐互体 【坤下坤上】 坤共四体五体重

【巽下兑上】 大过互体 【干下干上】 干共四体五体重

【兑下巽上】 中孚互体 【震下艮上】 颐又肖体离共七体

【艮下震上】 小过互体 【巽下兑上】 大过又肖体坎共七体其他五十六卦有互体有反对同重复备八体更以卦体言之卦中有飞伏有肖体有乘木舟虚故曰易者变也

一定卦主二究卦义

三求卦位四推中正

五究爻义六穷事理

七明易道八尽三易

一定卦主者一卦之主意也系辞云阳卦多陰以阳爲主阴卦多阳以阴爲主是也震坎艮已上三卦以阳爲主也震一阳动于下坎一阳陷于中艮一阳止于上巽离兑已上三卦以陰爲主也巽一陰入于下离一陰丽于中兑一陰说于上乾坤父母也纯一不杂则以中正爲主也

二究卦义者一卦之义理也说卦云干健也坤顺也震动也巽入也坎陷也离丽也艮止也兑说也六十四卦之中但有干皆有健之义也坤皆有顺之义也震皆有动之义也巽皆有入之义也离皆有丽之义也艮皆有止之义也坎皆有陷之义也兑皆有说之义也

三求卦位者六爻之义也系辞云八卦成列位在其中矣初与上无位五爲君二爲臣又初与二爲地三与四爲人五与上爲天又九居三六居四皆得其位也四推中正者得时得位之谓也二五爲中初爻三爻五爻皆阳位阳居之谓之正二爻四爻上爻皆阴位阴居之谓之正陰居阳位阳居陰位皆谓之不正也中而无不善得中便有正也正而不中者未免小有疵正不必有中也得正者当位也中正全善不可加不中又不正其凶不假言也其间不中正而吉者鲜矣得时者中正而不吉者亦鲜皆时也故易趋时爲大

五究爻义者玩羣爻之义也六十四卦共三百八十四爻其中一百九十二阳爻皆干阳也在初者都有潜隱勿用之义在二者皆有利见大人之义在三者皆有干干之义在四者皆有危厉之义在五者皆有天德天位之义在上者皆有亢龙之义各以乾元用九与夫干六爻文言处之则能顺理合义其间一百九十二陰爻皆坤之陰也六爻之义用六爻之义并与干同数而推之自得之也其间或有不与文言相应者虽有之鲜矣六穷事理者因时者理也作爲者事也又卦者事也爻者时也当然者理也所以然者易之大本也今以干爲例刚断果决事也元亨利贞理也潜见飞跃时也余仿此

七明易道者易有圣人之道四曰辞曰变曰象曰占极深研防防显阐幽当推其辞随时变易以从其道当玩其变作事制器立法制度当观其象动静作息趋吉避凶当考其占子曰易有圣人之道四其斯之谓也八尽三易者天易圣易心易极至易之妙也乾坤阖辟陰阳消长四时行百物生天易也元亨利贞言四时成歲辞有险易各指其所之圣易也仰观俯察遠求近取化而裁之推而行之心易也已上八段易之关键也贵在默会心通可也向此八段上得意则未画以前之易不言而可知也

画卦阳进陰退之例【自先天而序】

干一兑二离三震四巽五坎六艮七坤八

干三连本一进二成三画

兑上阙本二进二成四画

离中虚本三进一成四画

震仰盂本四进一成五画

巽下短本五退一成四画

坎中满本六退一成五画

艮覆碗本七退二成五画

坤六断本八退二成六画

前民十三卦【离益噬嗑乾坤涣随豫小过睽大壮大过夬】作易者其有忧患乎所以伏羲文王周公孔子四圣人忧民而设也系辞云八卦成列象在其中矣因而重之爻在其中矣刚柔相推变在其中矣系辞焉而命之动在其中矣吉凶悔吝者生乎动者也刚柔者立本者也变通者趋时者也吉凶者贞胜者也天地之道贞观者也日月之道贞明者也天地之动贞夫一者也夫干确然示人易矣夫坤隤然示人简矣爻也者效此者也象也者像此者也爻象动乎内吉凶见乎外功业见乎变圣人之情见乎辞天地之大德曰生圣人之大宝曰位何以守位曰仁何以聚人曰财理财正辞禁民爲非曰义是故古者包牺氏之王天下也仰则观象于天俯则观法于地观鸟兽之文与地之宜近取诸身远取诸物于是始作八卦以通神明之德以类万物之情作结绳而爲网罟以佃以渔盖取诸离

包牺氏没神农氏作斲木爲耜揉木爲耒耒耨之利以教天下盖取诸益

日中爲市致天下之民聚天下之货交易而退各得其所盖取诸噬嗑

神农氏没黄帝尧舜氏作通其变使民不倦神而化之使民宜之易穷则变变则通通则久是以自天祐之吉无不利黄帝尧舜垂衣裳而天下治盖取诸干 坤

剡木爲舟剡木爲楫舟楫之利以济不通致远以利天下盖取诸涣

服牛乘马引重致远以利天下盖取诸随

重门击柝以待暴客盖取诸豫

断木爲杵掘地爲臼臼杵之利万民以济盖取诸小过

木爲弧剡木爲矢弧矢之利以威天下盖取诸睽

上古穴居而野处后世圣人易之以宫室上栋下宇以待风雨盖取诸大壮

古之葬者厚衣之以薪葬之中野不封不树丧期无数后世圣人易之以棺槨盖取诸大过

上古结绳而治后世圣人易之以书契百官以治万民以察盖取诸夬

右前十三卦详见下系辞

易源奥义